

ԴՐԱՄԱՇՆՈՐՀԻ ՏՐԱՄԱԴՐՄԱՆ ՊԱՅՄԱՆԱԳԻՐ N ՄՇԴ - 20

ք. Երևան

«02» «02» 2022 թ.

Հայաստանի Հանրապետության կրթության, գիտության, մշակույթի և սպորտի նախարարությունը (այսուհետ՝ Պատվիրատու)՝ ի դեմս նախարարության կանոնադրության հիման վրա գործող գլխավոր քարտուղարի պարտականությունները կատարող Վ. Գասպարյանի, մի կողմից, և «**Հովհաննես Շարամբեյանի անվան ժողովրդական արվեստների թանգարան**» պետական ոչ առևտրային կազմակերպությունը (այսուհետ՝ Կատարող)՝ ի դեմս կազմակերպության կանոնադրության հիման վրա գործող տնօրեն Լ. Թորոյանի, մյուս կողմից, (այսուհետ՝ միասին՝ Կողմեր) կնքեցին սույն պայմանագիրը (այսուհետ նաև՝ Պայմանագիր) հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ

1.1. Պատվիրատուն հանձնարարում է, իսկ Կատարողը պարտավորվում է սույն Պայմանագրով սահմանված վճարի դիմաց սույն պայմանագրով սահմանված կարգով ու ժամկետում կատարել Պայմանագրի 2.3-րդ կետով և իր կանոնադրությամբ նախատեսված թանգարանային առարկաների ու հավաքածուների պահպանում, համալրում, հաշվառում, հանրահռչակում, այցելուի սպասարկում և այլ գործառույթներ (այսուհետ՝ աշխատանք)՝ համաձայն սույն պայմանագրի անբաժանելի մաս կազմող.

1.1.1. թանգարանային ծառայությունների և ցուցահանդեսների կանխատեսվող ֆինանսական և ոչ ֆինանսական ցուցանիշների՝ հավելված N 1,

1.1.2. ֆինանսական պարտավորությունների կատարման ժամանակացույցի՝ հավելված N 2,

1.1.3. ոչ ֆինանսական ցուցանիշների կատարման վերաբերյալ հաշվետվության՝ հավելված N 3:

1.2. Սույն պայմանագրով նախատեսված պարտավորությունների կատարման դիմաց վճարումը կատարվում է դրամաշնորհի հատկացման ձևով՝ «Հայաստանի Հանրապետության 2022 թվականի պետական բյուջեի մասին» Հայաստանի Հանրապետության օրենքի N 1 հավելվածի N 2 աղյուսակի «1075. Մշակութային ժառանգության ծրագրի» «11004. Թանգարանային ծառայություններ և ցուցահանդեսներ» միջոցառման համար նախատեսված բյուջետային հատկացումների սահմաններում:

2. ԿՈՂՄԵՐԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

2.1. Պատվիրատուն պարտավոր է՝

2.1.1. Սույն պայմանագրի պահանջներին համապատասխան՝ Կատարողից ընդունել պատշաճ ձևով ու կարգով կատարված աշխատանքները և հաշվետվություններ,

2.1.2. Իր և Կատարողի կանոնադրություններով սահմանված իրավասությունների շրջանակներում Կատարողին ցուցաբերել մեթոդական և կազմակերպական օգնություն:

2.2. Պատվիրատուն իրավունք ունի՝

2.2.1. Ցանկացած ժամանակ (պարբերաբար), առանց որևէ սահմանափակումների, ստուգել Կատարողի կողմից սույն պայմանագրի կատարման ընթացքը և որակը՝ առանց միջամտելու վերջինիս կանոնադրական գործունեությանը (բացառությամբ օրենքով և Կատարողի կանոնադրությամբ սահմանված դեպքերի),

- 2.2.2. Կատարողից պարբերաբար պահանջել ու ստանալ տեղեկույթ սույն պայմանագրի կատարման ընթացքի մասին,
- 2.2.3. Իր իրավասությունների սահմաններում կասեցնել Կատարողի կողմից ոչ պատշաճ ձևով կամ կարգով կատարվող աշխատանքները,
- 2.2.4. Կատարողից պահանջել առանց լրացուցիչ վճարի վերստին կատարել ոչ պատշաճ ձևով կամ կարգով կատարված աշխատանքները,
- 2.2.5. Վերահսկել սույն պայմանագրով Կատարողին հատկացված դրամական միջոցների նպատակային օգտագործումը,
- 2.2.6. Պայմանագրի 2.3-րդ կետով նախատեսված պարտավորությունները վերանայել (փոփոխություն կատարել) նախորդ տարվա հաշվետվությունների արդյունքների հիման վրա:

2.3. Կատարողը պարտավոր է՝

- 2.3.1. Ժամանակին, պատշաճ ձևով ու կարգով կատարել սույն պայմանագրի 1.1-ին կետով նախատեսված աշխատանքները և իրականացնել դրանց հաշվառումը՝ Հնչյաստանի Հանրապետության օրենսդրությամբ և իրավական ակտերով նախատեսված ձևով ու կարգով,
- 2.3.2. Պայմանագրից բխող աշխատանքներն իրականացնել՝ ապահովելով Պայմանագրի պարտադիր պահանջները,
- 2.3.3. Հրապարակել Պատվիրատուի անունը, իսկ համաֆինանսավորման դեպքում տրամադրել ամբողջական տեղեկատվություն՝ ծրագրին աջակցող կազմակերպության, ֆինանսավորման չափի և վերջինիս հետ ձեռք բերված այլ պայմանավորվածությունների մասին,
- 2.3.4. Սույն Պայմանագրի 1.1-ին կետով նախատեսված աշխատանքների կատարման գործընթացը կազմակերպել «Գնումների մասին» ՀՀ օրենսդրությամբ սահմանված կարգով,
- 2.3.5. Սույն պայմանագրով սահմանված պարտավորություններն իրականացնել Պատվիրատուի կողմից հաստատված մեթոդական ցուցումների, հրահանգների և այլ իրավական ակտերի (փաստաթղթերի) պահանջներին համապատասխան,
- 2.3.6. Պատվիրատուին անհապաղ հայտնել սույն պայմանագրի կատարման համար առաջացած խոչընդոտների մասին և միաժամանակ ձեռնարկել իր կողմից հնարավոր բոլոր միջոցները՝ այդ խոչընդոտներն անհապաղ վերացնելու համար,
- 2.3.7. Պատվիրատուի պահանջով նրան հաղորդել տեղեկատվություն աշխատանքների կատարման ընթացքի մասին, ինչպես նաև ներկայացնել սույն պայմանագրի կատարմանը վերաբերող ֆինանսական և բովանդակային հաշվետվությունը (ծախսերը հիմնավորող հաշվապահական և այլ փաստաթղթերը գտնվում են Կատարողի մոտ): Կատարողը պատասխանատվություն է կրում հաշվետվությամբ ներկայացված տվյալների հավաստիության համար: Բովանդակային հաշվետվության հետ ներկայացնել իրականացված միջոցառումների մասին համապատասխան նյութեր (լուսանկարներ, լրագրող կամ այլ գրաֆիկական պատկեր կամ ազդագրեր), հրավիրատոմսեր, մամուլի հրապարակումներ և այլ տեղեկատվական նյութեր)՝ էլեկտրոնային կրիչներով,
- 2.3.8. Պատվիրատուին ներկայացնել եռամսյակային ու տարեկան հաշվետվություններ համաձայն ՀՀ ֆինանսների նախարարի 2013 թվականի փետրվարի 4-ի N 104-Ն և 2019 թվականի մարտի 13-ի N 254-Ն հրամանների, ինչպես նաև ՀՀ օրենսդրությամբ և իրավական այլ ակտերով նախատեսված ձևով ու կարգով,

2.3.9. Պատվիրատուի հետ նախապես համաձայնեցնել նրա իրավասությանը վերապահված հարցերի լուծման տարբերակները,

2.3.10. Սույն Պայմանագիրն ուժի մեջ մտնելուց հետո Պատվիրատուի հաստատմանը ներկայացնել Կատարողի ֆինանսատնտեսական գործունեության նախահաշիվը՝ համապատասխան հիմնավորումներով: Նախահաշվի յուրաքանչյուր ծախսային ուղղության մեջ կատարվող փոփոխությունը նախապես՝ մինչև փաստացի ծախսերի կատարումը համաձայնեցնել Պատվիրատուի հետ: Նախահաշվում փոփոխությունների ներկայացման առաջարկի վերջնաժամկետն է 2022 թվականի դեկտեմբերի 20-ը: Աշխատանքների իրականացման արդյունքում առաջացած տնտեսումները (խնայողությունները) ենթակա են վերադարձման ՀՀ պետական բյուջե՝ ոչ ուշ, քան մինչև 2022 թ. դեկտեմբերի 24-ը,

2.3.11. Ապահովել իր կայուն գործունեությունը, ֆոնդարաններում թանգարանային առարկաների անվտանգ պահպանությունը, ազդանշանային և հակահրդեհային համակարգի շահագործումը:

Գիտաֆոնդային աշխատանքներ

2.3.12. Իրականացնել թանգարանային առարկաների հաշվառում, առարկաների վերականգնում և ամրակայում,

2.3.13. Իրականացնել թանգարանային առարկաների մուտքագրումը շտեմարան, հիմնական ֆոնդի թվայնացում (լուսանկարում, առարկայի հաշվառման փաստաթղթերի թվայնացում), գիտական վկայագրերի կազմում (թղթային և էլեկտրոնային ձևաչափով), ֆոնդային մատյանների արդիականացում, նոր էքսպոզիցիայի հաստատում Երևանում և Դիլիջանում և ֆոնդային նմուշների լիարժեք ու անվնաս պահպանության համար անհրաժեշտ տեխնիկական զինում,

2.3.14. Իրականացնել թանգարանային առարկաների վերականգնում, ամրակայում և կատարված աշխատանքների վերաբերյալ մինչև 2022 թ. նոյեմբերի 30-ը Պատվիրատուին ներկայացնել տեղեկատվություն (առարկայի նախկին և ներկա վիճակի լուսանկար և կատարված աշխատանքի բովանդակային նկարագրություն),

Գիտահետազոտական աշխատանքներ

2.3.15. Ապահովել թանգարանային առարկաների և հավաքածուների ուսումնասիրումը, գիտական հոդվածների ու զեկուցումների պատրաստումը, սեմինարների անցկացումը, հոդվածների հրատարակումը,

2.3.16. Շարունակել ժողովրդական վարպետի վկայականի տրամադրման աշխատանքները, յուրաքանչյուր կիսամյակ Պատվիրատուին ներկայացնել տեղեկանք արդյունքների վերաբերյալ: Շարունակել իրականացնել ժողովրդական վարպետների քարտեզագրում ՀՀ ամբողջ տարածքով,

2.3.17. Գիտական խորհրդում հաստատել 2023 թ. նախատեսվող միջոցառումների, ցուցահանդեսների, հրատարակվող ուսումնասիրությունների և գիտակրթական ծրագրերի ցանկն ու հստակ ժամանակացույցը և մինչև 2022 թ. ապրիլի 30-ը ներկայացնել Պատվիրատուին,

2.3.18. Ապահովել Դիլիջանի ժողովրդական արվեստի թանգարանի զարգացման հայեցակարգին համապատասխան գործունեության կազմակերպումը,

2.3.19. Հայկական ոչ նյութական մշակութային ժառանգության պահպանության և ճանաչելիության բարձրացման նպատակով իրականացնել «Հայաստանի Հանրապետության ոչ նյութական մշակութային ժառանգություն» շտեմարանի (www.int-heritage.am) սպասարկումը,

2.3.20. Հայկական գորգարվեստի հանրահռչակման նպատակով իրականացնել «Հայկական գորգ վիրտուալ թանգարան» կայքէջի (www.armeniancarpets.am) սպասարկումը,

Գիտացուցադրական աշխատանքներ՝ թանգարանային առարկաների հանրահռչակում

2.3.21. Շարունակել թանգարանի հանրահռչակմանն ուղղված թոուցիկների տպագրումն ու տարածումը,

2.3.22. Համալրել ժողովրդական վարպետների կողմից ստեղծված հուշանվերների արտադրանքը,

2.3.23. «Թանգարանների գիշեր», «Թանգարանների միջազգային օր», «Եվրոպական ժառանգության օրեր» միջոցառումների խորագրերին համապատասխան մշակել նոր ծրագրեր, կազմակերպել միջոցառումներ կամ ցուցահանդեսներ,

2.3.24. Պարբերաբար իրականացնել կայքէջի թարմացման աշխատանքներ և կազմակերպվող յուրաքանչյուր միջոցառման վերբերյալ տեղեկատվություն տեղադրել կայքում, ծավալել գովազդային գործունեություն,

2.3.25. Ապահովել մշտական և ժամանակավոր ցուցադրությունների այցելությունների ընդունումն ու էքսկուրսիոն սպասարկումը,

2.3.26. Կազմակերպել և իրականացնել ՀՀ պետական տոներին, հիշատակի օրերին և ժողովրդական տոներին նվիրված միջոցառումներ, այդ թվում՝ Հայաստանի Հանրապետության զինված ուժերի կազմավորման 30-ամյակին նվիրված հորեյանական միջոցառումներ,

2.3.27. Թանգարանի կանոնադրությանն ու գործառույթներին համապատասխան՝ իրականացնել դիտանցումներ մարզերում՝ ոչ նյութական մշակութային ժառանգության տարրերի դրսևորման, պահպանվածության վիճակի արձանագրման նպատակով և յուրաքանչյուր կիսամյակ Պատվիրատուին ներկայացնել արդյունքների վերաբերյալ տեղեկանք,

2.3.28. կազմակերպել ժամանակավոր ցուցադրություններ, դասախոսություններ, ոչ նյութական մշակութային ժառանգության կրողների հետ հանդիպումներ՝ վարպետաց դասերի ուղեկցությամբ,

Գիտակրթական ծրագրեր

2.3.29. Մշակել և իրականացնել ժողովրդական արվեստի և արհեստագործության բնագավառներին համապատասխան կրթական ծրագրեր՝ բոլոր սոցիալական և տարիքային խմբերի համար,

2.3.30. Կազմակերպել դասախոսություններ և վարպետության դասեր ՀՀ ՊՆ գործառնախնամության և ՀՀ քրեակատարողական հիմնարկներում:

2.4. Կատարողն իրավունք ունի՝

2.4.1. Պատվիրատուից պահանջել ընդունել սույն պայմանագրի 1.1-ին կետում նշված և Կատարողի կողմից պատշաճ ձևով ու կարգով կատարված աշխատանքները,

2.4.2. Պատվիրատուից պահանջել վերացնել Կատարողի գործողություններից (անգործությունից) անկախ՝ Պատվիրատուի մեղքով սույն պայմանագրի կատարման համար առաջացած խոչընդոտները կամ վերանայել սույն պայմանագրի պայմաններ,

2.4.3. Վաղաժամկետ լուծել սույն պայմանագիրը՝ սույն պայմանագրով կամ Հայաստանի Հանրապետության օրենսդրությամբ սահմանված կարգով և դեպքերում:

3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՈՒՄՆԵՐԻ ԿԱՐԳԸ

3.1. Պայմանագրի 1.1-ին կետում նշված աշխատանքների իրականացման համար հաստատվում է **123399.8 (մեկ հարյուր քսաներեք միլիոն երեք հարյուր իննսուներեք հազար ութ հարյուր) հազար դրամ՝** (ներառյալ հարկերը, տուրքերը և պարտադիր այլ վճարները)՝ համաձայն Հավելվածի: Պատվիրատուն Կատարողին հատկացնում է **123118.9 (մեկ հարյուր քսաներեք միլիոն մեկ հարյուր տասնութ հազար ինը հարյուր) հազար դրամ՝** (ներառյալ հարկերը, տուրքերը և պարտադիր այլ վճարները)՝ հաշվի առնելով ՀՀ հաշվեքննիչ պալատի 14.09.2020 թ. N 164-Ա (առաջադրանքի հաստատման մասին) և 23.12.2020 թ. N 213-Ա (առաջադրանքի ժամկետների երկարացման մասին) որոշումների հիման վրա հետ գանձված և Կատարողի հաշվին գտնվող գումարի առկայությունը: Այդ գումարի չափը կարող է փոփոխվել սույն պայմանագրով, ինչպես նաև Հայաստանի Հանրապետության օրենսդրությամբ սահմանված հիմքերով ու կարգով,

3.2. Սույն պայմանագրի 3.1-ին կետում նշված գումարը Պատվիրատուն պետք է Կատարողին վճարի սույն պայմանագրի 2-րդ հավելվածով սահմանված ժամկետներում, Կատարողի՝ սույն պայմանագրում նշված գանձապետական հաշվեհամարին փոխանցումներ կատարելու եղանակով,

3.3. Կատարողի կողմից աշխատանքների կատարման՝ սույն պայմանագրով սահմանված ցուցանիշներն ու պայմանները խախտելու դեպքում Պատվիրատուն իրավունք ունի վերանայել սույն պայմանագրի 3.1-ին կետում նշված գումարի չափը և դրա վճարման ժամանակացույցը,

3.4. Համաձայն «ՀՀ 2022 թվականի պետական բյուջեի մասին» ՀՀ օրենքի 7-րդ հոդվածի 22-րդ կետի հաշվարկված ԱԱՀ-ի գծով լրացուցիչ հատկացումները չեն կարող ուղղվել այլ նպատակների և չօգտագործված գումարները 2022 թվականի ընթացքում ենթակա են վերադարձման ՀՀ պետական բյուջե:

4. ՊԱՅՄԱՆԱԳՐԻ ԺԱՄԿԵՏԸ

4.1. Սույն պայմանագիրը ուժի մեջ է մտնում երկու Կողմերի ստորագրության պահից և գործում է մինչև 2023 թվականի հունվարի 31-ը,

4.2. Սույն Պայմանագրի գործողությունը տարածվում է 2022 թ. հունվարի 1-ից հետո ծագած հարաբերությունների վրա:

5. ԱՇԽԱՏԱՆՔՆԵՐԻ ԸՆԴՈՒՆՄԱՆ ԿԱՐԳԸ

5.1. Սույն պայմանագրի 1-ին կետում նշված և կատարված աշխատանքները Կատարողի կողմից ներկայացվում են Պատվիրատուի ընդունմանը ոչ ուշ, քան յուրաքանչյուր եռամսյակին հաջորդող ամսվա 10-ը (Հավելված N 3):

6. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

6.1. Սույն պայմանագրով նախատեսված պարտավորությունները կողմերը պարտավոր են կատարել պատշաճ և սահմանված ժամկետներում: Դրանք ոչ պատշաճ կամ ժամկետանց կատարելու, չկատարելու կամ կատարելուց խուսափելու դեպքում, ինչպես նաև իրենց գործողություններով կամ անգործությամբ սույն պայմանագրի կատարման համար խոչընդոտներ ստեղծելու, մյուս կողմին վնաս պատճառելու կամ կանխատեսվող եկամուտներից զրկելու համար կողմերից յուրաքանչյուրը կրում է պատասխանատվություն մյուս կողմին պատճառած վնասների և բաց թողնված օգուտների լրիվ ծավալով՝ Հայաստանի Հանրապետության օրենսդրությամբ սահմանված կարգով:

6.2. Սույն պայմանագիրը կարող է վաղաժամկետ լուծվել կողմերից որևէ մեկի՝ նախաձեռնությամբ՝ մյուս կողմի՝ սույն պայմանագրի պայմանները խախտելու դեպքում: Այդ ժամանակ նախաձեռնող կողմը պետք է ստանա վնասների և բաց թողնված (չստացված) եկամուտների լրիվ չափով փոխհատուցում:

6.3. Սույն պայմանագիրը վաղաժամկետ դադարեցնելը կամ լուծելը կողմերից որևէ մեկի համար այն կատարել շարունակելը աննպատակահարմար լինելու դեպքում կամ այլ պատճառաբանությամբ չի թույլատրվում: Նման դեպքում մյուս կողմն իրավունք ունի կամ ստանալ սույն պայմանագրի 6.1-ին կետով նախատեսված լրիվ փոխհատուցումը, կամ պահանջել սույն պայմանագրի հարկադիր կատարումը:

6.4. Սույն պայմանագրով սահմանված ժամկետները Կատարողի կողմից չպահպանվելու դեպքում վերջինս, եթե Պատվիրատուին չի ներկայացրել դրա վերաբերյալ հիմնավոր բացատրություն, վճարում է տույժ Պայմանագրի տվյալ ժամանակահատվածի համար սահմանված գնի 0.05 (հինգ հարյուրերորդական) տոկոսի չափով՝ ուշացման յուրաքանչյուր օրացուցային օրվա համար:

6.5. Սույն պայմանագրով նախատեսված պարտավորությունները չկատարելու կամ ոչ պատշաճ կատարելու դեպքում Կատարողը, եթե Պատվիրատուին չի ներկայացրել դրա վերաբերյալ հիմնավոր բացատրություն, վճարում է տուգանք չկատարված աշխատանքի 0.5 (հինգ տասնորդական) տոկոսի չափով:

7. ՄՈՆԻԹՈՐԻՆԳԸ

7.1. Պատվիրատուն ծրագրի իրականացման նախնական, ընթացիկ և վերջնական արդյունքների համապատասխանության գնահատման նպատակով իրականացնում է մոնիթորինգ:

7.2. Մոնիթորինգն իրականացվում է Պատվիրատուի և (կամ) նրա կողմից լիազորված անձի կողմից:

7.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով Կատարողին տրվում են ցուցումներ, և կատարվում են առաջարկություններ:

7.4. Պատվիրատուն ցանկացած ժամանակ կարող է ծրագրի շրջանակներում իրականացնել մոնիթորինգ՝ ուսումնասիրելով ծրագրին առնչվող ցանկացած փաստաթղթեր և նյութեր:

7.5. Մոնիթորինգի իրականացման ընթացքում Կատարողից կարող են պահանջվել գրավոր ու բանավոր պարզաբանումներ և բացատրություններ:

8. ԱՅԼ ՊԱՅՄԱՆՆԵՐ

8.1. Սույն պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը,

8.2. Սույն պայմանագրից ծագած կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով՝ առանց կողմերի գրավոր և կնիքով հաստատված համաձայնության,



8.3. Սույն պայմանագրում փոփոխություններ և լրացումներ կարող են կատարվել միայն Կողմերի երկկողմ գրավոր համաձայնություն կազմելու միջոցով,

8.4. Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերվելու դեպքում վեճերը լուծվում են դատական կարգով,

8.5. Սույն պայմանագիրը կնքելիս կողմերը հաստատում են, որ դրանով իրենց շահերը և օրինական իրավունքները ոչ մի կերպ չեն խախտվում կամ սահմանափակվում,

8.6. Սույն պայմանագիրը կազմված է 10 թերթից (ներառյալ հավելվածները), կնքվում է երկու օրինակից, որոնք ունեն հավասարազոր իրավաբանական ուժ:

9. ՏԵՂԵԿՈՒԹՅՈՒՆՆԵՐ ԿՈՂՄԵՐԻ ՄԱՍԻՆ

ՊԱՏՎԻՐԱՏՈՒ՝	ԿԱՏԱՐՈՂ՝
<p>«Կրթության, գիտության, մշակույթի և սպորտի նախարարություն Երևան, Վազգեն Սարգսյան 3 Կառավարական տուն 2 ՀՀ ՖՆ գործառնական վարչություն Հ/Հ 900011032399 ՀՎՀՀ 02698732 Գլխավոր քարտուղարի պարտավորությունները կատարող Վ. Գառպարյան Կ.Տ.</p> 	<p>«Հովհաննես Շարամբեյանի անվան ժողովրդական արվեստների թանգարան» ՊՈԱԿ ՀՀ, ք. Երևան, Արուսյան 64 ՀՀ ՖՆ գործառնական վարչություն h/h 900018001322 ՀՎՀՀ 01573636 հեռ. (010) 569-383 Լ. Թորոյան տնօրեն՝ Կ.Տ.</p> 

Հավելված N 1

«02» «02» 2022 թ.

N ՄՇԴ 20 պայմանագրի

2022 թվականին «Հովհաննես Շարամբեյանի անվան ժողովրդական արվեստների թանգարան» ՊՈԱԿ-ի ֆինանսական և ոչ ֆինանսական ցուցանիշները

Քանակական	Ցուցանիշեր	Քանակ
	Պահպանվող թանգարանային առարկաներ	12200
	Սպասարկվող թանգարանային այցելուներ, այդ թվում՝	11000
	իզական սեռի	5500
	արական սեռի	5500
	Թանգարանային առարկաների համալրում	10
	Կազմակերպվող ցուցահանդեսներ	7
	Թանգարանային առարկաների վերականգնում	4
	Եկամուտներ (հազար դրամ), այդ թվում՝	130579.8
	տրամադրվող դրամաշնորհի գումարը (հազար դրամ)	123399.8*
	հասույթ տոմսերի վաճառքից (հազար դրամ)	4430.0
	այլ եկամուտ (հազար դրամ)	2750.0
	Ծախսեր (հազար դրամ)	130579.8

* Գումարը նվազեցվում է հաշվի առնելով ՀՀ հաշվեքննիչ պալատի 14.09.2020 թ. N 164-Ա (առաջադրանքի հաստատման մասին) և 23.12.2020 թ. N 213-Ա (առաջադրանքի ժամկետների երկարացման մասին) որոշումների հիման վրա հետ գանձված և Կատարողի հաշվին գտնվող գումարի առկայությունը (123399.8-280.9=123118.9 հազար դրամ):

<p>ՊԱՏՎԻՐԱՏՈՒ՝</p> <p>ՀՀ կրթության, գիտության, մշակույթի և սպորտի նախարարություն Երևան, Վազգեն Սարգսյան 3 Կառավարական տուն 2 ՀՀ ՖՆ գործառնական վարչություն Հ/Հ 900011032399 ՀՎՀՀ 02698732 Գլխավոր քարտուղարի պարտավորությունները կատարող՝ Վ. Գասպարյան</p> <p>Կ.Տ.</p>	<p>ԿԱՏԱՐՈՂ՝</p> <p>«Հովհաննես Շարամբեյանի անվան ժողովրդական արվեստների թանգարան» ՊՈԱԿ ՀՀ, ք. Երևան, Արուսյան 64 ՀՀ ՖՆ գործառնական վարչություն h/h 900018001322 ՀՎՀՀ 01573636 հեռ. (010) 569-383</p> <p>տնօրեն՝ Կ.Տ. Լ. Թորոյան</p>
--	--



ՖԻՆԱՆՍԱԿԱՆ ՊԱՐՏԱՎՈՐՈՒԹՅՈՒՆՆԵՐԻ ԿԱՏԱՐՄԱՆ ԺԱՄԱՆԱԿԱՑՈՒՅՑ

Կազմակերպության անվանումը՝ «Հովհաննես Շարամբեյանի անվան ժողովրդական արվեստների թանգարան» ՊՈԱԿ

Բյուջետային ծախսերի գործառական դասակարգման՝

Նրազիր 1075	Լիցեզարում 11004	Թանգարանային ծառայություններ և ցուցահանդեսներ												
		Նախատեսվում է ֆինանսավորել Հայաստանի Հանրապետության 2022 թվականի պետական բյուջեից, այդ թվում ըստ ամիսների (աճողական)												
		I եռամսյակ			I կիսամյակ			9 ամիս			տարի			ԸՆԴՊԱՄԵՆԸ
հունվար	փետրվար	մարտ	ապրիլ	մայիս	հունիս	հուլիս	օգոստոս	սեպտեմբեր	հոկտեմբեր	նոյեմբեր	դեկտեմբեր			
1	2	3	4	5	6	7	8	9	10	11	12	13	14	15
Ընթացիկ դրամաշնորհներ պետական և համայնքային ոչ առևտրային կազմակերպություններին	4637	0,0	12205,8	24130,8	34084,8	44038,8	53992,8	63922,8	73852,8	83782,7	96894,8	110006,8	123118,9	123118,9
Ընդամենը		0,0	12205,8	24130,8	34084,8	44038,8	53992,8	63922,8	73852,8	83782,7	96894,8	110006,8	123118,9	123118,9

ՊԱՏՎԻՐԱՏՈՒՄ
 ՀՀ կրթության, գիտության, մշակույթի և սպորտի նախարարություն
 Երևան, Վազգեն Մարգարյան 3
 Կառավարական տուն 2
 ՀՀ ՖՆ գործառնական վարչություն
 ՀՀ 900011032399 ՀՎՀՀ 02698732
 Գլխավոր բարոյաբանի պարտավանդությունները կատարող
Վ. Գասպարյան



ԿԱՏԱՐՈՂ
 «Հովհաննես Շարամբեյանի անվան ժողովրդական արվեստների թանգարան» ՊՈԱԿ
 ՀՀ, ք. Երևան, Արուսյան 64
 ՀՀ ՖՆ գործառնական վարչություն
 ԼՈՒ 900018001322 ՀՎՀՀ 01573636
 ԽՈՒ (010) 569 383
 տնօրեն՝ *[Signature]* **L. Թորոյան**
 Կ.Տ.



ՀԱՇՎԵՏՎՈՒԹՅՈՒՆ

ՈՉ ՖԻՆԱՆՍԱԿԱՆ ՑՈՒՑԱՆԻՇՆԵՐԻ ԿԱՏԱՐՄԱՆ ՎԵՐԱԲԵՐՅԱԼ

Ծրագրի կամ քաղաքականության միջոցառման անվանումը	Չափորոշիչ (նկարագրությունը)	Չափորոշիչ տեսակը	Ոչ ֆինանսական ցուցանիշներ					Տարբերության պատճառը (սյուն 2-ում նշված իրավական ակտերի հղումները և սյուն 5-ում նշված տարբերության պարզաբանումները)
			Ցուցանիշի հաստատված կանխատեսումը հաշվետու ժամանակահատվածի համար	Ցուցանիշի փոփոխությունները ըստ համապատասխան իրավական ակտի (+/-)	Ճշտված ցուցանիշը հաշվետու ժամանակահատվածի համար (սյուն 1+սյուն 2)	Փաստացի ցուցանիշը (կատարված և ընդունված) հաշվետու ժամանակահատվածում	Հաստատված և փաստացի ցուցանիշների տարբերությունը (սյուն 4-սյ. 3)	
Ա	Բ	Գ	1	2	3	4	5	6

ՊԱՏՎԻՐԱՏՈՒ՝

ՀՀ կրթության, գիտության, մշակույթի և սպորտի նախարարություն
 Երևան, Վազգեն Սարգսյան 3
 Կառավարական տուն 2
 ՀՀ ՖՆ գործառնական վարչություն
 Հ/Հ 900011032399 ՀՎՀՀ 02698732

Գլխավոր քարտուղարի պարտավորությունները կատարող

Վ. Գասպարյան

Կ.Տ.



ԿԱՏԱՐՈՂ՝

«Հովհաննես Շարամբեյանի անվան ժողովրդական արվեստների թանգարան»
 ՊՈԱԿ

ՀՀ, ք. Երևան, Արմվյան 64
 ՀՀ ՖՆ գործառնական վարչություն
 հ/հ 900018001322 ՀՎՀՀ 01573636
 հեռ. (010) 569-383

տնօրեն՝
 Կ.Տ.

Լ. Թորոյան

